



**POSLOVNIK O RADU
VIJEĆA GRUPACIJE NAUKA / UMJETNOSTI
UNIVERZITETA U SARAJEVU**

Sarajevo, januar 2024. godine



Na osnovu člana 61. Zakona o visokom obrazovanju („Službene novine Kantona Sarajevo“ broj: 36/22) i člana 64, a u vezi sa članom 92. stav (3) Statuta Univerziteta u Sarajevu, Senat Univerziteta u Sarajevu je na 65. redovnoj sjednici održanoj 31. 01. 2024. godine, *d o n i o*

POSLOVNIK O RADU VIJEĆA GRUPACIJE NAUKA/UMJETNOSTI UNIVERZITETA U SARAJEVU

I. OPĆE ODREDBE

Član 1.

(Predmet Poslovnika)

- (1) Poslovníkom o radu vijeća grupacije nauka/umjetnosti (u daljem tekstu: Poslovnik) uređuje se rad vijeća grupacija nauka/umjetnosti (u daljnjem tekstu: vijeće grupacije) kao stručnog tijela Senata Univerziteta u Sarajevu.
- (2) Ovim Poslovníkom regulira se: nadležnost, vrste sjednica, sastav vijeća grupacija, način rada, odnosno realizacija sjednica vijeća grupacija.

Član 2.

(Jezik, pismo i rodna jednakost)

- (1) U radu vijeća grupacije u ravnopravnoj upotrebi su bosanski, hrvatski i srpski jezik. Službena pisma su latinica i ćirilica.
- (2) Izrazi koje se koriste u ovom Poslovníku, a imaju rodno značenje koriste se neutralno i odnose se jednako na muški i ženski rod.

Član 3.

(Nadležnosti vijeća grupacije)

Vijeće grupacije ima nadležnost da:

- a) bira predsjednika vijeća grupacije iz reda članova na konstituirajućoj sjednici,
- b) Senatu predlaže odluke o razvoju grupacije u saradnji sa pripadajućim članicama grupacije,
- c) daje mišljenje o prijedlozima nastavnih planova i programa pripadajućih fakulteta/akademija,
- d) predlaže kriterije za osiguranje kvaliteta studijskih programa i naučnog i umjetničkog rada u okviru grupacije,

- e) usklađuje organizaciju i izvođenje nastave i podstiče interdisciplinarnu studijsku program unutar grupacije,
- f) podstiče i daje mišljenje o pokretanju interdisciplinarnih istraživačkih projekata,
- g) daje mišljenje o osnivanju novih studija, odsjeka, laboratorija, instituta, istraživačkih cjelina, umjetničkih radionica i projekata, razvojnih centara i drugih organizacionih oblika na prijedlog fakulteta, akademija i instituta,
- h) koordinira saradnju sa naučnim institutima čija se djelatnost ostvaruje iz naučnog/umjetničkog polja grupacije,
- i) daje mišljenje o prijedlogu fakulteta/akademije za pokretanje postupka osnivanja, promjene statusa ili ukidanja fakulteta/akademije ili dijela fakulteta/akademije iz grupacije,
- j) daje mišljenje na prijedloge vijeća članica za izbor u akademska/naučnoistraživačka zvanja,
- k) daje mišljenje o prijedlogu vijeća fakulteta/akademije za sastav komisija u postupku sticanja akademske titule odnosno naučnog zvanja doktora nauka,
- l) utvrđuje prijedlog za dodjelu počasnog doktora Univerziteta,
- m) predlaže svoje predstavnike u stručna i savjetodavna tijela Univerziteta,
- n) Senatu predlaže predstavnike u Savjet Ministarstva za visoko obrazovanje Kantona Sarajevo.

II. VRSTE SJEDNICA

Član 4. *(Redovne sjednice)*

- (1) Redovne sjednice vijeća grupacija u pravilu se održavaju jednom mjesečno u terminu koji je utvrđen Akademske kalendarske Univerziteta u Sarajevu.
- (2) Sjednice saziva predsjednik vijeća grupacije, a u njegovoj odsutnosti zamjenik predsjednika vijeća grupacije.
- (3) Redovne sjednice označavaju se rednim brojem počevši od stupanja na dužnost novo izabranog predsjednika vijeća grupacije.
- (4) Poziv sa dnevnim redom i materijalom za redovnu sjednicu vijeća grupacije se upućuje članovima najmanje tri (3) dana prije održavanja sjednice, a materijali se izuzetno mogu dostaviti i u kraćem roku.
- (5) Poziv i materijali iz stava (4) ovog člana se dostavljaju u e-formatu.
- (6) Članovi vijeća grupacije mogu kandidirati pojedina pitanja za dnevni red sjednice vijeća grupacije, tako što predsjedniku vijeća grupacije, pisanim putem, upućuju obrazloženi zahtjev za uvrštavanje određene tačke dnevnog reda.

Član 5.
(Vanredne sjednice)

- (1) Vanredne sjednice vijeća grupacija održavaju se u pravilu izvan termina određenih za redovne sjednice i kada zbog posebnih okolnosti za tim nastane potreba.
- (2) Vanredne sjednice vijeća grupacija saziva rektor ili predsjednik /zamjenik predsjednika vijeća grupacije
- (3) Vanredne sjednice vijeća grupacije označavaju se rednim brojem uz naznaku da se radi o vanrednoj sjednici.
- (4) Poziv sa dnevnim redom i materijalom za vanrednu sjednicu vijeća grupacije se upućuje članovima najmanje dan prije održavanja sjednice, a izuzetno se materijal može dostaviti i na samoj sjednici.
- (5) Poziv i materijali iz stava (4) ovog člana se dostavljaju u e-formatu.

Član 6.
(Tematske sjednice)

- (1) Tematske sjednice vijeća grupacije se sazivaju radi rasprave i zauzimanja stavova ili mišljenja o pojedinim pitanjima koja su složena i zahtijevaju sveobuhvatnu raspravu.
- (2) Tematske sjednice vijeća grupacija saziva rektor u saradnji sa predsjednicima vijeća grupacije.
- (3) Tematska sjednica u pravilu ima samo jednu tačku dnevnog reda, a može ih biti više ako su tematski povezane.
- (4) Tematske sjednice vijeća grupacije označavaju se rednim brojem uz naznaku da se radi o tematskoj sjednici.
- (5) Poziv sa dnevnim redom i materijalom za tematsku sjednicu se upućuje članovima vijeća grupacije najmanje tri (3) dana prije održavanja sjednice, a materijali se izuzetno mogu dostaviti i u kraćem roku.
- (6) Poziv i materijali iz stava (5) ovog člana se dostavljaju u e-formatu.

Član 7.
(Elektronske sjednice)

- (1) U slučaju vanrednih okolnosti, te hitnog donošenja određenih odluka ili zaključaka o pitanjima iz nadležnosti vijeća grupacije, sjednice vijeća grupacije se mogu održati i elektronskim putem (elektronska sjednica).
- (2) Elektronske sjednice vijeća grupacije saziva rektor ili predsjednik/zamjenik predsjednika vijeća grupacije.
- (3) Elektronske sjednice vijeća grupacije označavaju se rednim brojem uz naznaku da se radi o elektronskoj sjednici.
- (4) Poziv sa dnevnim redom i materijalom za elektronsku sjednicu se upućuje članovima vijeća grupacije u e-formatu najkasnije dan prije održavanja elektronske sjednice.

- (5) Poziv iz stava (4) ovog člana sadrži link sa kojeg se mogu preuzeti dnevni red i materijali sa naznakom roka do kojeg se članovi vijeća grupacije mogu izjasniti o dostavljenom materijalu.
- (6) Izjašnjavanje po tačkama dnevnog reda vrši se na dostavljenom obrascu.

III. SASTAV VIJEĆA GRUPACIJE

Član 8.

(Sastav vijeća grupacije)

- (1) Vijeće grupacije čine dekani/direktori članica i pridruženih članica prema naučnoj oblasti unutar koje obavljaju osnovnu djelatnost, te jedan predstavnik studenata.
- (2) Članovi vijeća grupacije ne mogu biti članovi Upravnog odbora Univerziteta u Sarajevu.
- (3) U radu vijeća grupacija učestvuju: prorektor zadužen za praćenje rada vijeća grupacije, generalni sekretar, predstavnici stručnih službi Rektorata Univerziteta u Sarajevu iz čijeg resora se delegira tačka dnevnog reda i ovlaštena osoba za stručno-administrativnu podršku vijeća grupacije, bez prava glasa.
- (4) U radu vijeća grupacije mogu učestvovati i predstavnici nastavnih baza bez prava glasa u skladu sa odlukom Senata i ugovorom kojim se definišu međusobna prava i obaveze Univerziteta i nastavne odnosno naučnoistraživačke ili umjetničkoistraživačke baze.
- (5) U slučaju odsustva, po pisanom ovlaštenju dekana/direktora, članicu u vijeću grupacije može predstavljati član akademskog osoblja fakulteta, akademije i pridružene članice te, u slučaju instituta kao članice, član naučnoistraživačkog osoblja.

Član 9.

(Mandat člana vijeća grupacije)

- (1) Mandat člana vijeća grupacije iz reda akademskog/naučnoistraživačkog osoblja je povezan sa mandatom dekana/direktora.
- (2) Mandat člana vijeća grupacije iz reda studenata traje jednu godinu sa mogućnosti još jednog uzastopnog izbora.

Član 10.

(Izbor predsjednika i zamjenika predsjednika)

- (1) Predsjednik i zamjenik predsjednika bira se većinom glasova ukupnog broja članova vijeća grupacije.
- (2) Mandat predsjednika i zamjenika predsjednika vijeća grupacije traje jednu (1) akademsku godinu sa mogućnošću još jednog uzastopnog izbora.
- (3) Prestankom mandata u vijeću grupacije, ukoliko se radi o predsjedniku ili zamjeniku predsjednika, završava se njihov mandat i vrši se novi izbor predsjednika i zamjenika predsjednika vijeća grupacije.

IV. ODRŽAVANJE SJEDNICE

Član 11. (Vođenje sjednice)

- (1) Predsjednik vijeća grupacije rukovodi sjednicom vijeća grupacije, a u njegovoj odsutnosti zamjenik predsjednika.
- (2) Sjednica vijeća grupacije može se održati ako je na sjednici prisutna većina od ukupnog broja članova vijeća grupacije.
- (3) Vijeće grupacije utvrđuje dnevni red na početku sjednice.
- (4) Članovi vijeća grupacije mogu kandidirati pojedina pitanja za dnevni red i na samoj sjednici o čemu se izjašnjavaju članovi vijeća grupacije.
- (5) Nakon usvajanja prelazi se na razmatranje utvrđenog dnevnog reda, tako što prije raspravljanja predsjednik ili izvjestilac izloži pitanje o kojem se raspravlja.

Član 12. (Odlučivanje na sjednici vijeća grupacije)

- (1) Vijeće grupacije o pitanjima iz svoje nadležnosti odlučuje većinom glasova ukupnog broja članova utvrđujući prijedloge, zaključke, inicijative, mišljenja po tačkama dnevnog reda
- (2) Utvrđeni prijedlozi, zaključci, inicijative i mišljenja doneseni na sjednici upućuju se Senatu.

Član 13. (Zapisnik sa sjednice vijeća grupacije)

- (1) U toku sjednice vijeća grupacije vodi se zapisnik.
- (2) Zapisnik obavezno sadrži podatke o prisutnim i odsutnim članovima vijeća grupacije, dnevnom redu, te usvojenim prijedlozima, zaključcima, inicijativama i mišljenjima.
- (3) O osnovanosti primjedbe na zapisnik odlučuje se bez rasprave i to većinom glasova ukupnog broja članova.
- (4) Ako se prihvati primjedba o izmjeni ili dopuni teksta u zapisniku, izradit će se tekst s usvojenim izmjenama ili dopunama.
- (5) Usvojeni zapisnik se odlaže u arhivu, a elektronska verzija ostaje na raspolaganju članovima vijeća grupacije.
- (6) Uz zapisnik sa elektronskih sjednica vijeća grupacije priključuje se ispis obrasca sa izjašnjenjem članova vijeća grupacije, koji čini sastavni dio zapisnika.
- (7) Zapisnik se verificira na prvoj sljedećoj redovnoj sjednici vijeća grupacije u pravilu kao prva tačka dnevnog reda.

V. PRELAZNE I ZAVRŠNE ODREDBE

Član 14.

(Postupak izmjena i dopuna Poslovnika)

Izmjene i dopune ovog Poslovnika vrše se na način i po postupku propisanim za njegovo donošenje.

Član 15.

(Stupanje na snagu Poslovnika)

- (1) Ovaj Poslovnik stupa na snagu danom donošenja.
- (2) Stupanjem na snagu ovog Poslovnika, prestaje da važi Poslovnik o radu vijeća grupacije nauka/umjetnosti Univerziteta u Sarajevu broj: 01-14-71-1/19 od 27. 05. 2019. godine.

REKTOR


Prof. dr. Rifat Škrijelj



Broj: 01-2-5-1/24

Sarajevo, 31. 01. 2024. godine